

七字以斷却五行不循星車失度差躔之氣使五行順治降福人天為百靈所仰萬神所導守皆廣長一丈八角垂芒方廣如印天真皇人昔書其文布於八天十方上下以為正音有知其音能齋而誦之者諸天皆遣飛天神王下觀其身書其功勳上奏諸天萬神朝禮地祇侍門大勳魔王保舉上真道備克得遊行三界升八金門

此音出空洞之中太和沖香之氣結成正音五行刑害不順行度失治禍及民者鼓其音而樓之天垂甘露地生神芝金寶開泄符瑞自生無所不辟無所不獲無所不度無所不成天真自然之音也故誦之致飛天下觀上帝遙唱萬神朝禮三界侍軒羣杖東首鬼精自亡琳琅振響十方肅清河海靜默山嶽吞煙萬靈振伏招集羣仙天無氛穢地無灰塵冥懸洞清大量玄玄也

元始無量度人上品妙經卷之三十二

靈寶無量度人上品妙經卷之三十三 寶三

五方正氣品

道言昔於始青天中太明混洞上宮寶華靈闕無為大慈廣生玄妙虛清道境上千淳光元化混沌九微八關俯跨碧落太空星輪景耀之精中有真王號舍運樞道力自然功位高玄中有妙寶神山連延天內有五方天尊紫霄光明飛霞之闕官將百萬民衆千億壽無窮期氣如長春雜萬花色以為光明瑤海朱鬢綠斑之龍常御九真玄玉之輅以奉玉帝此天五方正氣所生五行之精順天常道不為囚尅是謂真一元氣萬物之宗為瑞為寶非如陰陽交爭之氣生合雜殺長育虧殘而無常也元皇大慈化此真境五方天尊間居寶座吹嘘正氣採嘒華根流波遠蔭遠於天界天得正氣圓蓋不傾地得正氣海嶽平寧帝得正氣道運太平人得正氣為世賢良慕道求仙上輔正化無所不真元始天尊當說是經周迴十過先向五方召命五方天尊東方九神太洞玉真天尊南方三華上極丹

光天尊西方五明太真金耀天尊北方一真洞陰寶鏡天尊中央瓊華黃景微妙天尊五方天尊故奉玄旨泛駕黃輿丹靈之輦三素飛雲龍鶴羽葆仙官執典天賜啓途來如迅風流鈴煥落雷火耀天十方無極世界悉皆震動一切天人咸知元始召命五方道主願聞真一之氣無等上妙天法五方天尊稽首作禮元始垂眄俯視以召十方始當詣座天真大神上聖高尊妙行真人無執數眾乘空而來明耀流暉玉輿虹輪彩霧蔽空靈光靄華神煙密羅寶雲疊霞風煙澄息和氣彌羅土化堅剛湛如金魄衆真侍座元始天尊玄坐空浮天闕雲山妙光瓊臺之上說經一遍諸天大聖同時稱善是時一團男女初受真道靈慧虛通說經二遍心契妙微永無湮沉說經三遍五方正氣灌育華根說經四遍玄光流景映耀身形說經五遍赤書玉網纏塞死關說經六遍福被普天慶瑞成臻說經七遍四氣調和萬物豐昌說經八遍品粟生成保固無殃說經九遍邪精滅根

魔害不行說經十過老復壯威少者永延是時一國是男是女莫不傾心皆受護度咸得長生

道言是時元始天尊說經一過東方無極無量品蒼精正氣至真大神無鞅之眾浮空而至說經二過南方無極無量品丹精正氣至真大神無鞅之眾浮空而至說經三過西方無極無量品晶精正氣至真大神無鞅之眾浮空而至說經四過北方無極無量品紫精正氣至真大神無鞅之眾浮空而至說經五過東北無極無量品鎮精正氣至真大神無鞅之眾浮空而至說經六過東南無極無量品炎精正氣至真大神無鞅之眾浮空而至說經七過西南無極無量品華精正氣至真大神無鞅之眾浮空而至說經八過西北無極無量品玄精正氣至真大神無鞅之眾浮空而至說經九過上方無極無量品虛精正氣至真大神無鞅之眾浮空而至說經十過下方無極無量品幽精正氣至真大神無鞅之眾浮空而至十過周竟十方無極天真大

神一時同至一國男女凝瞻元始與五方天尊妙極玄微見大神變九色光明遍照十方世界一切國土即各相謂共目攜奉齋持妙香珍寶奇花天衣幡蓋自十方來舉此種種珍奇妙供陳於天尊座前徘徊宛轉化成寶蓋百億珠玉百億結綬百億縵絲百億紋繡百億神奇百億光景遍於諸天所有世界如是男官女眾咸皆敬禮仰聽元始天尊宣揚靈寶大法無量度人五方正氣之道瞻望聖顏一心歸依爾時五方天尊五老上帝侍立元始天尊法座之側元始天尊舉身正衣良久復坐於是紫金神光從面門出此光輝耀與諸光明如相經緯縱橫微妙萬種華炫一天人不由心目外見天尊安如寶山內見己身三一九宮諸境玄府光氣無極自下徹上自上徹下從東連西從西連東交射灌激聖變神化難可比倫元始告大衆曰今當度人說五方正氣護生萬有之法得吾正氣皆證妙道爲諸天仙真十方之聖利益世界演說大法使諸天衆生聞道獲與五方天尊環

繞寶座各放大光輝耀世界猶如千日照徹諸天九萬億土天人宮殿帝王臺觀與光所照森然俱見無有隔礙是時諸天各於光中顯示正氣大道自然變化相狀近可指矚又於光中各有玉書五篇真文炳煥張布屈曲飛動鎮召權制普天安寧東方正氣晨光九羅素景徘徊碧壘鬱霞南方正氣紫雲蒼煙朱丹三精生化億千西方正氣明石太素光芒變化非煙非霧北方正氣玄闕飛精變皇太微包羅玉清中央正氣上玄寶洞妙變盤結化成龍鳳五方正氣無量形相懸在大虛之中各飛瑞光耀元始耀明火玉如意之上逸遷盤布五色混成大如朗日通舍五方所見物象元始登引五方天尊天真大神上聖高尊妙行真人十方無極至真大神無鞅之眾俱入五色混成圓光之內說經都竟衆真監度以授於我當此之時喜慶難言法事粗悉諸天復位修敬之間寂無遺響是時天人遍值經法各受正氣道心開悟見生化門知道宗祖普得濟度全其本年年極數窮并八

太空脫離生死與正氣俱存示身千億變化  
 空常靜而為虛動而為形普應十方道同列  
 聖識心如幻無作無為普濟萬生永斷輪轉  
 有形安泰愛利俱忘正氣入身與化冥一離  
 諸疑網習染解脫飛形太虛為天種民言無  
 華綺口無惡聲齊同慈愛異骨成親國安民  
 豐欣樂太平經始出教一國以道預有至心  
 宗奉禮敬皆得度世

道言元始天尊說經中所言並是諸天至尊  
 五方正氣內名隱韻之音亦是三寶皇君丈  
 人內諱百靈之隱名也非世之常辭上聖已  
 成真人通玄究微能悉其章誦之十過召致  
 五方正真之神化鍊結節靈感胎真東方正  
 氣為英明文華清淨儀矩高賢仁恕仙真之  
 應於物為寶玉瑰奇珍禽瑞獸希世之祥南  
 方正氣為明慧禮制辨哲爽越命令布政輔  
 弼尊神之應於物為丹華工麗艷妍色獲經  
 畫之事西方正氣為義法剛別堅正果敢介  
 守教法大神尊官之應於物為介甲金石牢  
 韋牙角防鈴兵刑之象北方正氣為敏聰智

數機謀變通玄化為真母后太一隱靈之應  
 於物為修蛇玄黠委曲怪異伏藏鬼神之符  
 中央正氣為尊德懿道寬厚博容廣大碩學  
 輔化帝王君主崇高神聖之應於物為冲融  
 柔順坎下盈滿遠隆甘和之驗遇正氣者上  
 為帝仙中為宰牧下為賢德為長生為吉祥  
 為福慶故誦詠此經諸天齊唱萬帝設禮正  
 氣來集淵澄嶽靜日月合照璇璣塵天魔爽  
 喪壞屍骨還生至學之士誦之十過則五帝  
 侍衛三界稽首正氣臨斗鬼神滅形濟度垂  
 死絕而得生所以爾者學士思神致真坐招  
 正氣生命遇之則貴極仙真召制十方與天  
 為一五氣齊靈中粹發華福德自生輕誦此  
 經身則被殃供養尊禮門戶興隆世世昌熾  
 與善因緣萬災不干神明護門斯經尊妙獨  
 步玉京度人無量為萬道之宗範大範德  
 難可勝

然起舉以之通鬼神則億曾萬祖幽魂苦爽  
 皆即受度上升朱宮正氣所擬五方同真格  
 皆九年受化更生得為貴人而好學至經功  
 滿德就皆得神仙飛昇金闕遊宴玉京也上  
 學之士修誦是經五方正氣入身愚變為智  
 俗化為賢賢則得道道成而仙為聖為神氣  
 之正也為秩為華氣之邪也皆即受度飛升  
 南宮世人受誦五方天尊正氣之光照其真  
 形則延壽長年後皆得作尸解之道魂神暫  
 滅不經地獄即得返形遊行太空此經微妙  
 普度無窮一切天人莫不受慶無量之福生  
 死蒙惠上天所寶不傳下世至士齋金寶效  
 心盟天而傳輕泄漏慢殃及九祖長役鬼官  
 侍經五帝玉童玉女各二十四人營衛神文  
 保護受經者身

道言正月長齋誦詠是經五方天尊登玉寶  
 青華之闕布行五方正氣治化三界為上世  
 亡魂斷地速役度上南宮七月長齋誦詠是  
 經五方天尊登朱陵丹華之闕布行五方正  
 氣治化三界身得神仙諸天書名黃錄白簡

1101) A B C

削死上生十月長壽誦詠是經五方天尊登紫雲瓊圖玄真之闕布行五方正氣治化三界為國土帝主安鎮國祚保天長存世世不絕常為人君安鎮其方民稱太平八節之日誦詠是經五方正氣周回八方還朝帝一化

生萬靈得為九宮真人本命之日誦詠是經五老上帝下鎮五臟五方天尊口吐正氣入兆命宮絳府泥丸真道自然魂神澄正萬炁長存不經苦惱身有光明三界侍衛五帝司迎萬神朝禮名書上天功滿德就飛昇上清

道言行道之日皆當香湯沐浴齋戒入室東向叩齒三十二通上闕三十二天心拜三十二過閉目靜思身坐青黃白三色雲氣之中內外翳冥五方真氣繞絡身形光明洞耀有青龍白虎朱雀玄武獅子白鶴

羅列左右日月照明洞煥室內項生圓象光映十方如此分明密呪曰

無上玄元太上道君召出臣身中三五功曹左右官使者侍香玉童傳言玉女五帝直符直日香官各三十六人關啓所言今日吉慶

長壽清虛修行至經無量度人願所啓上徹徑御

無上三十二天元始上帝至尊几前畢

元始無量度人上品妙經

元始洞玄靈寶本章五方正氣十迴度人諸天隱韻離合自然玄漠無垠妙氣生根杳如紫煙分為三華玉清離便大有纏羅升過玄門盤結浮沉天元正道化為玄京陰抱至陽陽合其真陰陽會化玄生其神神化為氣氣化為靈化無體狀至用圓成發生之氣高秘黃庭神純絳淵色凝嬰丹旋轉浮遊上下無方黃老潛養道體居常東青西素南赤北玄中有寶皇正氣自然五方之神神運綿綿巡

環周流雷動雲奔五帝授符五老合魂天光無象太朴混淪英芒晃耀靈液其滂物得之生鬼得之靈神得之明人得之仙天得之清地得之寧上分三界下列九泉風動虛清變化行天希夷正氣皇道開闢聲自天真幽微

之君玉冠錦揚碧鳳飛裙乘駕九龍役御千官布行正氣運植五方沖氣所鍾為仙為靈時為尊賢用宏紀綱以之授形為物之英惠感正氣變化神真至真無形大象流精眇眇劫切若亡若存瓊瑤麗房琪籟妙庭紫戶玄闈森羅浮雲五臺正氣周回十方中有太上三素之君中有上聖清母之神中有太微玉帝之尊中有胎元帝一之君中有道德五方丈人中有主錄主籍主生主化主變玄道尊神迴氣儲正無量度人今日校錄諸天臨軒

東方無極飛天正氣神王長生大聖無量度人

南方無極飛天正氣神王長生大聖無量度人

西方無極飛天正氣神王長生大聖無量度人

北方無極飛天正氣神王長生大聖無量度人

東南無極飛天正氣神王長生大聖無量度

西南無極飛天正氣神王長生大聖無量度

西北無極飛天正氣神王長生大聖無量度

上方無極飛天正氣神王長生大聖無量度

下方無極飛天正氣神王長生大聖無量度

十方至真飛天正氣神王長生度世無量大神並乘化真九光丹輪之輿炎飄紫霞神虛之輦彤彩耀光百神之蓋五精天德大力之幢躡駕朱蚪玉龍建萬天十華之節洞神招真之禧神獸變龍悲鳴躡躅青鳳紫鸞翔騰飛者前詠八素九陽之歌後吹六齋虛生之曲神虎鏤天奔躍辟邪五老慈陰羣仙翼轅億乘萬騎浮空而來傾光回駕正氣度生中皇內弼元斗右宮紫垣太極妙通大神攝氣監真合會高玄徘徊升降周度虛圓敷告八

冥幽微之關上極玉羅太空靈尊下該九壘

洞淵之源運道正氣鍊化神仙五方大神玉

司之官施生布養法道而行變凡入聖易骨

超騰恍惚通感大混帝門北都寒池部衛形

魂氣聚神生命出自自然擬植正氣度品南宮

死魂受鍊仙化成人身受度劫劫長存隨

劫輪轉與天齊年未度三塗五苦八難超凌

三界道遙上清上清之天天帝妙和無色之

境梵行

此為五方正氣之天從角宿一度一抄半

起經五星之分流演同法正行黃道不犯

傍網上稟皇極專行正氣四方各有二天

配屬中央土位土無正形各居四方同會

為高真  
東方八天  
定都越玄天 帝辟除正虛  
輅宜倫皇天 帝伯上騎東  
梁元書元天 帝覺披言鑄  
柳麗古常天 帝蹈寂樞揚

啣岐森著天 帝查元運沖

九奇蒼丘天 帝律允師期

萬皇教宗天 帝彊畢伺孕

皓冥都源天 帝真抱隸昌

南方八天

耀機鄙瑤天 帝球提振生

奕明升微天 帝祖正宜先

飄麗正神天 帝紐澄珠

洞冲環降天 帝拯溥施隆

萌華鏡羽天 帝辯帝茶延

路瑾蕭官天 帝歛樞兆玄

理禁宗明天 帝護巴冥萬

角應冥靈天 帝都夷昇優

西方八天  
信真瓊都天 帝謁普順康  
周渝韓薦天 帝蕩浮南  
杜極太元天 帝錚吟雲潭  
不驕耀評天 帝弦樞烈微  
躡飛鸞余天 帝濯羅兵折  
樂靜靈贊天 帝社圖阿容

正玄邀夷天 帝辨克楚駢  
西鸞盈虛天 帝尚備容通

北方八天 帝曠孫陽方  
曇迷阮靈天 帝嶽沆李滿

昭峻令瑤天 帝波記董惠  
度明極皇天 帝柏度變呈

玉宸和化天 帝露真譚符  
僊利蕪鋒天 帝召靈啓明

佇宛仙殊天 帝龍膺庠汪  
元渚陽玉天 帝秘眇玄英

仙度沈精天 帝秘眇玄英  
三十二天三十二帝諸天隱諱諸天隱名天

中空洞自然靈章諸天隱諱諸天之音諸天之尊諸天之神諸天大魔諸天之靈九和十合變化上清無量之奧深不可詳敷落神真普度天人今日欣慶受度應闢諸天五方天尊施行正氣轉物之精使合道真不為錯診與道俱貞遇之則吉失之沈淪五帝衛生普度天人五苦斬絕無拘天門東斗執節西斗捧符北斗宣命南斗定書中斗大魁開天立

圖青帝輔德白帝司志黑帝守神赤帝行意黃帝統天攝錄正氣青天正神王陽真伯赤天正神動化感格白天正神金德司殺黑天正神伏羲破敵黃天正神中御無極五方正神萬靈之宗飛行鼓從總領仙兵魔幢鼓節遊觀太空威光赫奕諸天齊功上天度人變化太清玄樞虛通神輪不傾感生神氣永滅袂凶攝命帝官乘建交衝世被福祥莫有不從敢容干犯拒抗列真風刀前戮丹火後焚五方正氣化骨為仙挹鍊華易萬景流行候順自然九轉回真五色結融洞陽道成普告無窮萬神咸聽三界五帝列言上清  
杳杳變化混合冥冥運轉天陽大象交并神源所肇耀景相依神氣無形天地玄機太一含元化生真精谷虛而應道空而明命魔校符動極太凝正氣之狀和契平寧動則聖真靜則圓成天地告瑞六氣昭融虛妙停養水火形容金元廓落元象之中五方植建正氣自然貸以元始皇道乃宣元和包絡下立風淵天上天下無幽無冥無形無影無極無窮

鴻濛上乾溟洋舒光五色分形運度周天正因德興生以道全紫融化結雲宮五篇赤書玉宇鳳檢龍文招回正氣使天長存神化彌羅萬品施張五精開演經歷諸天包纏景色周遍八維出陰入陽造立四時三十二位仙鍊太微八景混合氣入玄暉玄暉五老元洞大神命皇保帝同天永貞汎景碧霞嘯味雲營流鈴七變豁落八威仙王召氣靈音九回虛歌發響變化仙飛千和萬合正氣成真真氣生神五方天尊長生大帝寶華靈君無英伯史司命回駭太一景精桃康景延執符把籙保命玄根上遊上清出入黃庭星輪之內三道之中扶搖大闢民壽永隆世生良弼道運興崇降灌人身泥丸元宮中理五炁混合百關十轉回靈萬氣齊仙仙道貴生無量度人召爾正氣為爾福源旁啓化門經天大輪罪福禁戒宿命因緣普受開度正氣生身身得受生上聞諸天諸天之上各有生門中有空玄生氣之章太上靈篇辭參高真  
第一五方神王行正氣斬伐邪源

飛空之音

朱旗散霞 雲塗金馬  
 隱伏泉下 出為秋殫  
 勃亂時令 真光蒙蔽  
 依地為靈魁 生民受其殃  
 五書煥赤文 真光洞天地  
 靈嶽安其位 五老鎮五天  
 扣鐘伐神鼓 清蕩諸醜類  
 仙真常保衛

第二五方五老帝君玄造正氣嚴莊

三界之章

凝雲化玉 碧闕萬重  
 混合八風 寶樓蔚峨  
 朱輪碾月 虛唱冥沖  
 大道之王 轉白為紫  
 瓊胞合氣 兩半陰陽  
 右帶金璫 五色香香  
 神以意行 道由德將  
 變化無常 絳臺丹楮  
 中有帝一 龍衣虎章

三界居福鄉 仙真普生植 大洞為津梁

第三五方天尊分衛正氣空玄度命

歌曰

我乘東霞 植此雲牙  
 爾攝火兵 玉臺西龜  
 玄老太一 散香鏡日  
 命駕帝關 洞空凝碧  
 海色不動 紫皇塵塵  
 萬寶其昌 正氣流傳  
 中和太玄 紅露清霜  
 九醜伏藏 我道惟明  
 金斗朱璫

此三界之上飛空之中聚真歌音音參洞章  
 誦之百遍名度南宮誦之千遍五帝保迎萬  
 遍道備飛升太空過度三界位登仙公有聞  
 靈音魔王敬形執制地祇侍衛送迎召攝正  
 氣冥感天真五精扶術所作者成魂魄制守  
 飛騰玉清是謂無量普度無窮有秘上天文  
 諸天共崇崇世慢墮地獄禍及七祖翁  
 道言此二章並是五方天尊及至靈神王隱  
 秘之音皆是大梵之言非世上常辭言無韻

麗曲無華宛故謂玄與難可尋詳上天所寶  
 秘於神霄玉府東藏經室依科三萬七千年  
 應運下傳若有至人齋金寶質心依舊格告  
 盟十天然後而付焉

道言五方正氣稟生受之則為福貴尊安澤  
 遠久遠違其道則五方之氣錯戾弛散不能  
 致福成德則有運否滯閉三景虧盈休咎疾  
 傷凡有此災同氣皆當齊心修齋六時行香  
 十遍轉經福德立降消諸不祥無量之文普  
 度無窮

道言五方之氣失正則於人為運窮數盡變  
 化終歿之證末學道淺仙品未充運應滅度  
 身經太陰臨過之時同學至人為其行香誦  
 經十過以度屍形如法魂神徑上南宮隨其  
 學功計日而得更生轉輪不惑便得神仙  
 道言五方正氣從道為胎生布五方以成萬  
 法下挺於人物氣正則生福否則為殃正者  
 天中之真精道妙之自然違其正則天地運  
 終星宿錯度日月失昏四時失度陰陽不調  
 國境有災兵寇四起疫毒流行兆民死傷算

窮命極皆當修齋行香誦經夫齋戒誦經功德甚重上消天災保鎮帝土下禳毒害以度兆民生死受賴其福難勝故曰無量普度天人

道言凡有是經能為天地帝主兆民行是功

德有齋之日發心修齋燒香誦經十過皆諸

天記名萬神侍衛右列至人克得為玉清神

府之臣諸天記人功過毫分無失天中魔王

亦保舉爾身得道者乃當洞明至言也

諸天中大梵隱語無量音 道君誤

元始靈書五方天尊正氣玉篇

東方八天

攬陀元辛 正悅巴林 檀田梵都

羣嶼蕭深 錫延慮賞 明機肅岑

絢羅筠婁 杜蚪偃金 聚與駟魯

挺奚漢琳 傳定太丘 津向眇澄

玄茫騰逸 徵氏滄壁 實遊耀麗

典區乾泉

南方八天

龍蓮方坪 月伴頂真 仇多部寅

麓寒既神 持清淨淨 願倅吉契  
琤圭寶止 梵嬰象官 元恢洒育  
攝仙咎菩 刀濫大序 閻鮮曲舒  
稼馥魔輪 涎那易坤 沙惡柏空  
飛華散通

西方八天

寬無法疇 珍明綠玄 碧夫雲滌

色開九仙 池冥瑛燦 辨史眸綿

獸景莽極 古毅邊桓 普首篤司

駕鮮圖收 候繫谿達 玄略師陰

說黎竭爽 浮落觀霏 景慕由胙

魔墟較堅

北方八天

雄玄彼真 朔璿回靈 辰劫秀野

攬叫間童 氣敷章急 琉荷卷伸

祖時享帝 漢濫鋤魂 浩億忌幽

圓柳慶基 運資泛道 日曰洪施

燕虎環泥 行霧鈴萬 嶽鸞千羅

竭沫財夷

道言此五方正氣合大梵之精風迴煙轉結

成玉文丹筆五色輝耀天關五氣之書上帝寶章招致靈妙乙密玄微赤書五篇斯文副之舊文每字方廣一丈上清天真皇人上真道君執天芒九精之筆染丹紀於太微清都之館鳳臺南軒以為正音使五方氣行三界寧曠有知其音能齋而誦之者諸天皆遣飛天神王下觀其身書其功勤簡奏神霄萬神朝禮地祇侍門大勳魔王保舉上仙道備克得遊行三界升入金門此音無所不辟無所不獲無所不度無所不成天真自然之音也故誦之致飛天下觀上帝遙唱萬神朝禮三界侍軒羣袂束首鬼精自亡琳琅振響十方肅清河海靜默山嶽吞煙萬雲振伏招集羣仙天無氛穢地無秋塵冥慧洞清大量玄玄也

元始無量度人上品妙經卷之三十三